



Angqcoux Ngeihcib Daih Yamqdin Coh Roen Moq

喜迎二十大 奔向新征程

□ Gvei Ungh

Sai:
Raeuz caez dap aen daiz,
Danq dangj hai aen hoih,
Lumj gwn gij dangzoi,
Faex gwnzndoi hix angq.

Mbwk:
Raeuz caez dap aen daiz,
Aeu fwen haisim doiq,
Danq dangj hai aen hoih,
Vih vunzloih cauhfuk.

Sai:
Aen hoih Ngeihcib Daih,
Dazyinx caiq coh naj,
Vunzlai riuahaha,
Lumj cuengq bya roengz haij.

Mbwk:
Lumj cuengq bya roengz haij,
Vunzlai maij dangj raeuz,
Boux duet gungzhoj naeuz,
Baengh dangj raeuz vuenyungz.

Sai:
Va gyaез seіzcin fwn,
Duetgungz vunzvunz maij,
Vunzlai riengz dangj byaij,
Seiqdaih cungj angqyangz.

Mbwk:
Gak nieb caeuq gak hangz,
Vah noix gangj haenq guh,
Cingzciк bauq guekcoj,
Lawz haemzhoj mbouj lau.

Sai:
Nyeuxgyaeuj yawj gaxgonq,
Lajmbanj roen nanz byaij,
Ngeix daengz sim hix naiq,
Angq haeuj seіzdaih moq.

Mbwk:
Nyeuxgyaeuj yawj gaxgonq,

Can haeuxdonq mbouj ndei,
Gag ngeix youq dangseiz,
Gunnanz geiz caengz gvaq.

Sai:
Gunnanz geiz caengz gvaq,
Vuenyungz gvaq doenghbaez,
Deng boksok nanz daej,
Engq mbouj ndaej swyouz.

Mbwk:
Bae Gang Meij Yenz Cauz,
Buekmingh bauq guekcoj,
Daengx guek mbouj lau hoj,
Henhoh ndei guek raeuz.

Sai:
Youh Gang Meij Yenz Yez,
Lwgnyez raeuz hix angq,
Guek raeuz Gungcanjdangj,
Ceiq angq bang bouxgungz.

Mbwk:
Daengz gaijgwz hailangh,
Lwgminz angq dangqmaz,
Haenq guh cauh aen gya,
Gijmaz ndaej daengjlaengz?

Sai:
Ndaej gwn imq daenj raeuj,
Raeuz youh engq vuenyungz,
Ndwenngoenz ciemh bienq soeng,
Youh caemh roengzrengz guh.

Mbwk:
Dangj mbouj lumz sinhoj,
Mauh gungzhoj duet caez,
Ndwenngoenz youh bienq ndei,
Bouxbox gyaез guekcoj.

Sai:
Bouxgeq mbouj youheiq,
Yiengj fukheiq haujlai,
Mbouj miz ngoenz gwn caiq,

Aensim hai fouzbeij.

Mbwk:
Bya heu raemx hix saw,
Nyez doesaw ndaej coengh,
Roengauhsuz cungj doeng,
Hawciengz hoengh dangqmaz.

Sai:
Binghraq gyuek lajbiengz,
Daengx guek riengz dangj byaij,
Hoenx binghraq mbouj naiq,
Bouxbox maij dangj raeuz.

Mbwk:
Gohgi ndaej fazcanj,
Guekwnq danq guek raeuz,
Bouxbox youq ranzlaeuz,
Guk mbouj you deng haep.

Sai:
Dangj saenqhwnг lajmbanj,
Bouxguhnaz angq lai,
Miz mbei hai dungxcaiz,
Ndaej fatcaiz mizmuengh.

Mbwk:
Ngeihcib Daih yaek hai,
Najhai lumj dujva,
Fukhwnг raeuz Cunghvaz,
Bouxguhnaz engq fouq.

Sai:
Guh it rangh it loh,
Caez hozcoз canh ngaenz,
Gungganq vunz guekwnq,
Gyoengqde caen danqhaenh.

Mbwk:
Diegveih ndaej daezsang,
Lwgminz angq dahraix,
Bak bi gonq mbouj caiq,
Haenqguh fanh daih vuen.

Hab:
Aen hoih Ngeihcib Daih,
Youh ndaej caiq yatbongh,
Yienghyiengh ndaej hwnghoengh,
Moengh fukhwnг engq gyawj.



Seіzcou, mok mbang heuxgeuj haeuxnaz baenz.

Cinz Veifungh ingj

•Sawcuenhraez Lwgnyez•

Gij Golwgnyez Henz Dahhoengz

红 水 谣

□ Lanz Haijyangz Moz Beibei / 蓝海洋 莫蓓蓓

Doenghbaez yienznaeuz gou hix gaenq song sam ngoenz mbouj ndaej raen Aulungzgeiz gvaq, hoeng cungj mbouj miz geij ngoenz neix yienghneix daegbied niemh de, gou hix haemz de、mieng de, hoeng lij simnyap lumj doek maz doxgaiq nei, gou ciengzseiz gag dauqngeix gij goj haemhhaenx de lwnh hawj gou, ndaw goj haenx, “Lungz Byauh” caen dwg boux hauxseng hawj vunz doengzcingz, hoeng, Aulungz–geiz dwg mbouj dwg couhdwg “Lungz Byauh”? De vihmaz gangj bonjfaenh dwg vunzndei? Ok gij saeh Ahveij gwn gij yw miz doeg, gij goj haenx dingzlai dwg yaeuh gou, daiq gangj ndaej deng, cij miz di dwg caen.

Caen mbouj rox ndawsim vunz–hung ngeix maz, vihmaz cungj aeu

haenh bonjfaenh baenzlawz maenh’ ak baenzlawz simndei?

Yienznaeuz vunzmbanj gaenq mbouj lumj geij ngoenz gonq yienghhaenx baez haibak couh dwen daengz Aulungzgeiz, hoeng gou lij ngoenzngoenz cungj buet daengz baihlaeng miuhsaenzvangz bae yawj–yawj aen ranzdaemq de, menhmenh

nyoengx hai aen dou caengz haep caez, ndawde laepngau, miz heiq haeusing cung ok rog daeuj, gou gwq nep ndaeng, dingqdingq ndawranz miz maz doenghdanh.

Ndaw loengzdietsienq mbouj dingz dwk fatok gij sing “sisi”、“huhu”, baez ndaejnyi cungj sing neix, gou couh ndaejgeiq Ahveij deng

ngwzdoeg haeb. Gou baez simvueng, doq haep dou hwnjdaeuj, cienq ndang couh buetdeuz lo.

Gyanghaemh, daiq youh mboen bohgoux: “Aen ranzdaemq haenx caeux couh wnggai lid bae lo, mwngz lij ce youq gizhaenx caj de dauqma youq?”

(caengz sat)